

Na osnovu člana 55. Statuta općine Ilijaš («Službene novine Kantona Sarajevo broj: 7/98 , 9/01 i 17/04) i člana 85. Poslovnika Općinskog vijeća Ilijaš («Službene novine Kantona Sarajevo broj: 32/05), Općinsko vijeće Ilijaš na svojoj 7. sjednici održanoj 29. 04. 2009. godine d o n o s i :

## **O D L U K U**

### **o novčanim podrškama u poljoprivrednoj proizvodnji na području općine Ilijaš za 2009. godinu**

#### Član 1.

Ovom Odlukom se uređuje sistem novčanih podrški u primarnoj poljoprivrednoj proizvodnji (u daljem tekstu podrške) na području općine Ilijaš za 2009. godinu i to:

- a) vrste novčanih podrški
- b) izvor i visina novčanih podrški
- c) korisnici novčanih podrški
- d) uslovi za ostvarivanje prava na novčane podrške

#### Član 2.

Ovom odlukom se utvrđuju novčane podrške za:

Animalnu proizvodnju  
Sufinansiranje projekata u primarnoj poljoprivrednoj proizvodnji – kapitalna ulaganja  
Ostale aktivnosti vezane za poljoprivrednu proizvodnju

#### Član 3.

**U okviru animalne proizvodnje podstiče se:**

##### **A-1 Govedarstvo**

A-1a Držanje muznih krava

A-1b Tov junadi

##### **B-1 Ovčarstvo**

B-1a držanje ovaca

##### **C-1 Peradarstvo**

C-1a Držanje koka nosilja za proizvodnju konzumnih jaja

C-1b tov pilića ( brojlera)

##### **D-1 Pčelarstvo**

D-1a Držanje pčelinjih društava

##### **E-1 Sufinansiranje projekata u primarnoj poljoprivrednoj proizvodnji**

E-1a Podrška za početak realizacije pojedinačnih investicionih projekata od značaja za razvoj primarne poljoprivredne proizvodnje na području općine Ilijaš

E-1b Podrška za nastavak realizacije projekata započetih u prethodnoj godini koji su ocijenjeni kao nosioci razvoja poljoprivredne proizvodnje na području općine Ilijaš  
E-1c Osavremenjavanje poljoprivrednih gazdinstava – gradnja proizvodnih kapaciteta kroz sufinansiranje troškova za izdatu građevinsku dozvolu

### **F-1 Ostale aktivnosti vezane za poljoprivredu**

F-1a Sufinansiranje premija osiguranja

F-1b Aktivnosti različitih organizacija, udruženja i asocijacija, a koje su u funkciji razvoja poljoprivredne proizvodnje na području općine Ilijaš.

F-1c Učešće na sajmovima, seminarima i edukacijama iz oblasti poljoprivrede.

F-1d Podrška izradi projekata - strategija, studija i programa iz oblasti poljoprivredne proizvodnje.

F-1e Nabavka stručne literature

### Član 4.

Sredstva za realizaciju novčanih podrški obezbjeđuju se u Budžetu općine Ilijaš za 2009. godinu.

Ukoliko za realizaciju ove odluke budu potrebna veća sredstva od sredstava planiranih u Budžetu za 2009. godinu ista će se obezbijediti rebalansom Budžeta ili će se obaveze prenijeti na teret Budžeta za 2010.

### Član 5.

Osnovni kriteriji za ostvarivanje novčanih podrški za sve oblike poljoprivredne proizvodnje su:

- Da je poljoprivredni proizvođač sa mjestom prebivališta na području općine Ilijaš.
- Da je poljoprivrednu proizvodnju zasnovao i ostvario na području općine Ilijaš.
- Podrške za sve vidove poljoprivredne proizvodnje se ostvaruju isključivo za poljoprivredno gazdinstvo, koga čini nosilac domaćinstva sa svim članovima gazdinstva.
- Za svaki od vidova proizvodnje, novčana podrška se ostvaruje za proizvodnju u tekućoj kalendarskoj godini, a kod pojedinih proizvodnji (tov junadi) samo jednom u proizvodnom ciklusu proizvedenog grla.

## Član 6.

Zahtjevi za ostvarivanje prava na podrške podnose se Službi za privredu i finansije i investicije općine Ilijaš. Krajnji rok za podnošenje zahtjeva za sve proizvodnje je 1.09. 2009. godine.

Zahtjevi zaprimljeni nakon utvrđenog roka neće se obrađivati.

Uz zahtjev, koji se podnosi na propisanom obrascu, prilaže se potrebna dokumentacija (original ili ovjerena fotokopija) utvrđena ovom odlukom.

Dokumentacija korisnika dostavlja se na protokol općine Ilijaš i uvodi se u djelovodnik predmeta i akata i momentom upisa postaje službena dokumentacija sa kojom se postupa u skladu sa Uredbom o kancelarijskom poslovanju organa uprave i službi za upravu Federacije Bosne i Hercegovine (Službene novine Federacije BiH», broj 20/98) i Uputstvom o načinu vršenja kancelarijskog poslovanja u organima uprave i službama za upravu u Federaciji BiH (« Službene novine Federacije BiH», broj 30/98 i 49/98).

## Član 7.

1. Za ostvarivanje prava na novčane podrške iz oblasti animalne proizvodnje, korisnici su dužni dostaviti potvrdu o veterinarskom nadzoru stoke – certifikate od nadležne veterinarske ambulante koja obavezno sadrži brojeve ušnih markica, osim proizvodnji iz oblasti peradarstva i pčelarstva.

2. Ostvarivanje novčanih podrški se vrši uz isključivo posjedovanje potvrde o veterinarskom nadzoru stoke koju izdaje ovlaštena veterinarska ambulanta ovjerena pečatom i faksimilom ovlaštenog veterinara.

Za stoku za koju nadležna veterinarska stanica konstatuje da ima zaraznu bolest, kandidat ne može ostvariti pravo na novčani podsticaj.

2. Iznos novčanih podsticaja po jedinici i vrsti ostvarene proizvodnje

R/B	VRSTA PODRŠKE	Iznos sredstava KM/jedinici mjere	Norme i limiti za podsticaj
1.	Držanje matičnog stada muznih krava	100,00 KM/grlo	3. i više za isporučioce mlijeka u otkupu 3-5 za ostale proizvođače
2.	Tov junadi	100,00 KM/grlo	3. grla -20. grla
3.	Uzgoj i držanje priplodnih ovaca	10,00 KM/grlu	50-max 100 grla
4.	Uzgoj i držanje koka nosilja	1,00 KM/kom.	500.kom.-2000. kom.
5.	Tov pilića (brojlera)	0,40 KM/kom.	1500 kom -2000 kom
6.	Uzgoj i držanje pčelinjih društava	10,00 KM/košnici	30. pč. društava max 100
<b>Sufinansiranje projekata u primarnoj poljoprivrednoj proizvodnji</b>			
1.	Podrška za početak realizacije pojedinačnih investicionih projekata od značaja za razvoj primarne poljoprivredne proizvodnje	Maximalno do 8.000,00 KM	
2.	Podrška za nastavak realizacije projekata započetih u prethodnoj godini koji su ocijenjeni kao nosioci razvoja poljoprivredne proizvodnje	Maximalno do 8. 000,00 KM	
2.	Osavremenjavanje poljoprivrednih gazdinstava – gradnja objekata kroz sufinansiranje troškova građevinske dozvole	do 250 m2 u 100% iznosu preko 250 m2 max do 8.000,00 KM	

3. Pored uslova iz stava (1) ovog člana kandidat mora ispunjavati i slijedeće uslove

**A-1a Podrška za držanje muznih krava**

- da posjeduje najmanje tri muzne krave
- ako posjeduje više od pet muznih krava, mora biti u sistemu otkupa mlijeka što dokazuje ugovorom sklopljen sa registrovanim otkupljivačem ili perađivačem mlijeka.

**A-1b Podrška za tov junadi**

- da utovi najmanje 3 grla
- maksimalan broj tovnje junadi za jednu kalendarsku godinu je 20 grla
- minimalna ulazna težina za domaće pasmine je 100 kg odnosno 150 kg za visokoproduktivne
- trajanje jednog tovnog turnusa je 7 mjeseci.

**B-1a Podrška za držanje ovaca**

- da posjeduje najmanje 50 ovaca obilježene u skaldu sa Pravilnikom o obaveznom obilježavanju. Podrška se isplaćuje za najviše 100 ovaca.

**C-1a Podrška za uzgoj i držanje koka nosilja**

- da posjeduje najmanje 500 koka nosilja
- maksimalan broj koka nosilja na godišnjem nivou iznosi 2000 kom.

**C-1b Podrška za uzgoj tovnih pilića (brojlera)**

- da uzgoji najmanje 1.500 tovnih pilića na godišnjem nivou pod uslovom da turnus ne može biti manji od 300 tovnih pilića i da ne može biti kraći od 35 dana.
- maksimalan broj na godišnjem nivou proizvodnje iznosi 2.000 kom.
- proizvođač je dužan upoznati nadležnu službu o završetku svakog tova
- obavezna dostava računa o nabavci pilića.

**D-1a Podrška za pčelarstvo**

- da posjeduje najmanje 30 pčelinjih društava.
- Podrška se isplaćuje za najviše 100 pčelinjih društava.

**E-1a Podrška za početak realizacije pojedinačnih investicionih projekata od značaja razvoj primarne poljoprivredne proizvodnje na području općine Ilijaš****Pravo na novčanu podršku imaju:**

- pravna ili fizička lica koja imaju sjedište na području općine Ilijaš za gradnju pojedinačnih građevinskih-investicionih projekata, unaprijeđenje procesa proizvodnje (**štalskih kapaciteta u okviru proizvodnih farmi, kapaciteta za skladištenje, hlađenje, sušenje i preradu poljoprivrednih proizvoda**) jačanja i širenja plasmana proizvoda od značaja za poljoprivrednu proizvodnju na području općine Ilijaš a započeti su u tekućoj godini u okviru već postojećeg poljoprivrednog gazdinstva i razvijene proizvodnje.

**Uz zahtjev kandidat je dužan dostaviti:**

- popunjen obrazac zahtjeva za ostvarivanje prava na podršku
- rješenje o upisu u sudski registar ili ovjerenu kopiju općinskog rješenja za bavljenje djelatnošću
- građevinska dozvola, investicioni projekat ili glavni projekat izgrađen od strane ovlaštene institucije.
- pravo na podršku, kandidat može ostvariti kada Odsijek zapisnički konstatuje da je zasnovana proizvodnja i započeta gradnja objekta za koji je izdata građevinska dozvola.

**Odluku o odobrenju isplate finansijskih sredstva donosi Općinski načelnik.**

**E 1b Podrška za nastavak realizacije projekata započetih u prethodnoj godini koji su ocijenjeni kao nosioci razvoja poljoprivredne proizvodnje na području općine Ilijaš**

**Pravo na novčanu podršku imaju:**

- pravna ili fizička lica koja imaju sjedište na području općine Ilijaš. Podrška se odnosi na pojedinačne građevinsko-investicione projekte, unaprijeđenje procesa proizvodnje gradnju (**štalskih kapaciteta u okviru proizvodnih farmi, kapaciteta za skladištenje, hlađenje, sušenje i preradu poljoprivrednih proizvoda**) jačanja i širenja plasmana proizvoda od značaja za poljoprivrednu proizvodnju na području općine Ilijaš a započeti su u **prethodnoj ili tekućoj godini** u okviru već postojećeg poljoprivrednog gazdinstva i razvijene proizvodnje čija investiciona vrijednost prelazi 100.000,00 KM.

**Uz zahtjev kandidat je dužan dostaviti:**

- popunjen obrazac zahtjeva za ostvarivanje prava na podršku
- rješenje o upisu u sudski registar ili ovjerenu kopiju općinskog rješenja za bavljenje djelatnošću.
- kopije računa (fakture) o nabavci materijala, opreme, ili o izvršenim uslugama kao dokaz o investiranim sredstvima iz prethodne ili iz tekuće godine u vrijednosti od min. 100.000,00KM (kada korisnik investira vlastita sredstva ili ugovor o bankovnom kreditu (u slučaju kada se investicioni projekat finansira i kreditnim sredstvima)
- pravo na podršku, kandidat može ostvariti kada Odsijek zapisnički konstatuje da je gradnja, opremanje i stavljanje u funkciju objekta u toku.

**Odluku o odobrenju isplate finansijskih sredstva donosi Općinski načelnik.**

**E 1c Osavremenjavanje poljoprivrednih gazdinstava - gradnja proizvodnih kapaciteta kroz sufinansiranje troškova za izdatu građevinsku dozvolu**

- Novčana podrška se ostvaruje za izdatu građevinsku dozvolu od strane nadležnog općinskog organa za gradnju objekata (objekata u stočarstvu, skladišnih, prerađivačkih i drugih kapaciteta) čija je gradnja započeta u tekućoj godini isključivo od tvrdog građevinskog materijala u površini ne manjoj od **100 m<sup>2</sup>** upotrebne površine objekta isključivo u osnovici (tlocrtu objekta).
- Novčana podrška se odnosi na gradnju proizvodnih i prerađivačkih kapaciteta u okviru postojećeg poljoprivrednog gazdinstva sa zasnovanom poljoprivrednom proizvodnjom kako je definisano Zakonom o novčanim podsticajima u primarnoj poljoprivrednoj proizvodnji na području Kantona Sarajevo ili u skladu sa članom 7. ove Odluke.
- Novčana podrška u punom iznosu koštanja građevinske dozvole se daje za objekte do 250 m<sup>2</sup>, a za objekte preko 250 m<sup>2</sup> do 50 % od iznosa koštanja građevinske dozvole – maksimalno do iznosa od 8.000,00 KM.

**Uz zahtjev kandidat je dužan dostaviti:**

- ovjerenu fotokopiju građevinske dozvole iz tekuće godine odnosno iz prethodne godine ako zbog okončanja postupka izdavanja građevinske dozvole nije podnosilac zahtjeva u predviđenom roku mogao podnijeti zahtjev za podršku

pod uslovom da je postupak uplate troškova građevinske dozvole okončan do momenta podnošenja zahtjeva za podsticaj.

- dokaz o izvršenoj uplati građevinske dozvole
- zapisnik o ostvarenoj proizvodnji sačinjen u skladu sa Zakonom o novčanim podsticajima u primarnoj poljoprivrednoj proizvodnji na području Kantona Sarajevo ili u skladu sa članom 7. ove Odluke.

#### **F 1a Sufinansiranje premije osiguranja**

Pravo na podršku premije osiguranja ostvaruju korisnici za biljnu i animalnu proizvodnju.

Za osiguranje proizvoda biljne i animalne proizvodnje, općinski organ učestvuje u pokriću troška premije osiguranja na način da osiguraniku po jednoj polici plaća podršku u visini od 25 % troška zaračunate ukupne premije osiguranja, odnosno premije po ukupnoj polici osiguranja, bez obzira na osigurani rizik za koji je sklopljena polica osiguranja.

Podrška osiguranja proizvodnje jeste novčani iznos koji se ostvaruje nakon cjelovite isplate ugovorene ukupne premije osiguranja po jednoj polici osiguranja, odnosno plaćene premije po ukupnoj polici osiguranja.

#### **Uz zahtjev za obračun podrške osiguranik prilaže slijedeću dokumentaciju:**

- policu osiguranja ili ovjerenu kopiju sa svim podacima koje mora sadržavati polica;
  - potvrdu osiguravajućeg društva da je ugovarač osiguranja izvršio uplatu police.
- Po prijemu zahtjeva, odsjek za privredu utvrđuje blagovremenost i potpunost zahtjeva i ovjerenu dokumentaciju dostavlja odsjeku za finansije.

#### **F 1d Podrška za organizovanje poljoprivrednika na području općine Ilijaš .**

Pravo na ostvarivanje podrške imaju korisnici udruženja poljoprivrednih proizvođača i zadruge.

#### **Udruženja**

Udruženja poljoprivrednika mogu podnijeti zahtjeve za dodjelu dvije vrste finansijske podrške:

- za programe redovnih djelatnosti usmjerenih na zadovoljavanje općih zajedničkih potreba svojih članova (nabavka opreme, opremanje ureda, animiranje članstva, informiranje i edukacija članova, provođenje programa i sl) za projekte konkretnih aktivnosti ograničenog vremenskog trajanja: (priprema projekata, promocija proizvoda, primjena novih tehnologija i sl)

#### **Zahtjev za ostvarivanje podrške udruženja podnose se uz:**

- rješenje o registraciji udruženja,
- program aktivnosti
- maksimalni iznos finansijske podrške programa ili projekta iznosi 5. 000,00 KM

#### **Zadruge**

Pravo na ostvarivanje podrške imaju zadruge koje imaju sjedište na području općine Ilijaš a koje pretežno obavljaju primarnu poljoprivrednu proizvodnju, i imaju za cilj inicirati povezivanje malih i srednjih proizvođača u zadruge i koji ispunjavaju slijedeće uslove:

- ostvaruju pozitivne poslovne rezultate,
- imaju najmanje 30 zadrugara -aktivnih poljoprivrednih proizvođača sa područja općine Ilijaš
- uredno su opravdali korištenje podrške iz prethodne godine
- namjene finansijske podrške su: osnivanje nove zadruge, ulaganja u opremu, izrada projekata, programa edukovanja članstva , nabavka opreme za proizvodnju i preradu poljoprivrednih proizvoda, certificiranje proizvoda.

Zahtjev za ostvarivanje podrške zemljoradničke zadruge podnose se uz:

- opis dosadašnjih aktivnosti zadruge, odnosno program za novoosnovane,
- rješenje o upisu u sudski registar

Maksimalan iznos podrške za ovu namjenu iznose 10. 000,00 KM

**Odluku o odobrenju isplate finansijskih sredstava donosi Općinski načelnik.**

**F 1c Učešće na sajmovima, seminarima i edukacijama iz oblasti poljoprivredne proizvodnje.**

Novčana podrška u cilju edukacije poljoprivrednih proizvođača, posjeta sajmovima i seminarima iznosi maksimalno 5. 000,00 KM.

Na bazi prijedloga poljoprivrednih proizvođača i udruženja prioritet programa edukacija, manifestacija i seminara utvrđuje nadležna općinska služba i predlaže Općinskom načelniku.

**Odluku o realizaciji tačke 3. i odobrenju finansijskih sredstva donosi Općinski načelnik.**

**F 1d Podrška izradi projekata, strategija, studija i programa iz oblasti poljoprivredne proizvodnje.**

Na prijedlog nadležne službe u cilju razvoja poljoprivredne proizvodnje na području općine Ilijaš kao i razvoja ruralnih područja utvrđuje se novčana podrška u iznosu od 3. 000,00 KM.

**Odluku o realizaciji tačke 4. i odobrenju finansijskih sredstava donosi Općinski načelnik.**

**F 1e Nabavka stručne literature iz oblasti poljoprivredne proizvodnje**

U cilju razvoja poljoprivredne proizvodnje dobivaju se sredstva u iznosu od 1.000,00 KM za nabavku stručne literature.

Na bazi prijedloga poljoprivrednih proizvođača i udruženja , nadležna služba utvrđuje konačan prijedlog prema načelniku.

Član 8.

Za realizaciju Odluke zadužuje se Služba za privredu, finansije i investicije –odsjek za privredu.

## Član 9.

Za svaki potpun i blagovremeno podnesen zahtjev za ostvarivanje prava na podršku Služba za privredu, finansije i investicije - Odsjek za privredu je dužan na licu mjesta utvrditi činjenično stanje i zapisnički konstatovati proizvodnju.

Služba za privredu, finansije i investicije će nakon provedenog postupka o ispunjavanju uslova kandidata za ostvareno pravo na novčane podsticaje u skladu sa ovom odlukom donijeti rješenje.

Za sve podnešene zahtjeve nadležna služba zadržava pravo višekratne provjere do isteka kalendarske godine za činjenično stanje ostvarene proizvodnje. Ukoliko se utvrdi da su sredstva ostvarena na ime novčanih podsticaja utrošena nenamjenski, ili su ostvarena na osnovu lažno prikazane proizvodnje ili lažno predočene dokumentacije, nadležna općinska služba će donijeti rješenje o povratu sredstva, a kandidat je dužan da vrati novčana sredstva u roku od 30 dana od dana pravosnažnosti rješenja i novi zahtjev za ostvarivanje prava na novčani podsticaj za proizvodnje iz člana 7. ove odluke može podnijeti, nakon dvije godine, od dana povrata novčanih sredstava naloženih rješenjem.

## Član 10.

Općinska služba će putem Javnog oglasa, Savjeta MZ-a i sredstava informisanja obavjestiti poljoprivrednike o posticajnim mjerama načinu i kriterijima koji moraju biti zadovoljeni.

## Član 11.

Ova Odluka stupa na snagu danom donošenja i biće objavljena u Službenim novinama Kantona Sarajevo.

Broj: \_\_\_\_\_

Ilijaš,-----

Predsjedavajući OV-a Ilijaš

Petar Ilić

## OBRAZLOŽENJE:

Primarna poljoprivredna proizvodnja predstavlja prioritetnu djelatnost na području općine Ilijaš kao jedna od osnovnih grana privrede . Zbog toga se, u svijetu i tranzicijskim zemljama ovoj oblasti daje prioritetan značaj, kao i materijalni podsticaji.

Članom 2. ove odluke definisane su vrste novčanih podsticaja na području općine Ilijaš. Prije svega to je nastojanje da se osigura kvalitetniji pristup kontinuiranom novčanom podsticanju primarne poljoprivredne proizvodnje koja se realizuje na području općine Ilijaš tokom perioda 2004-2008. godina, a na osnovu Odluka koju donosi Općinsko vijeće Ilijaš. S tim u vezi kako bi se podstakli poljoprivredni proizvođači na daljnje povećanje poljoprivredne proizvodnje u prijedlogu ove odluke , donji limiti ostvarene proizvodnje se postepeno povećavaju. Na ovaj način se postepeno nastoji prevazići dosadašnji socio-ekonomski karakter podsticajnih mjera uz istovremeno stvaranje poljoprivrednih proizvođača i proizvodnji koja će im omogućiti rentabilno poslovanje kroz povećanje stočnog fonda, potpuno korištenje raspoloživih poljoprivrednih resursa , a u konačnici i zapošljavanje radne snage na selu.

Članom 3. ove odluke uvodi se i novčana podrška sufinansiranje projekta u primarnoj poljoprivrednoj proizvodnji koja ima za cilj stvaranje preduslova za unaprijeđivanje komercijalne poljoprivredne proizvodnje tako i podizanje poljoprivredne proizvodnje na nivo samoodrživosti u proizvodnjama koje imaju uporednu prednost otvaranja novih kapaciteta čime se stiču uslovi za nova upošljavanja kao i ukupan ruralni razvoj. Tražnja mlijeka je znatno povećana kao rezultat razvoja industrije za preradu mlijeka usled čega je uspostavljen stabilan i siguran otkup mlijeka na području općine što ima za rezultat povećanje stočnog fonda – odnosno muznih krava.

Zakonom o novčanim podsticajima u primarnoj poljoprivrednoj proizvodnji na području Kantona Sarajevo propisani su novčani podsticaji za izgradnju objekata u funkciji primarne poljoprivredne proizvodnje. Da bi se ostvarili novčani podsticaji Zakonom je propisano i obavezno posjedovanje građevinske dozvole . U cilju daljeg povećanja proizvodnje kao i njenog osavremenjavanja neophodna je i gradnja štalskih ,skladišnih objekata objekata za preradu u funkciji poljoprivredne proizvodnje . Ovom odlukom u cilju pomoći poljoprivrednim proizvođačima uvodi se i novčani podsticaj na ime sufinansiranja troškova građevinske dozvole za poticanje izgradnje novih objekata. Ovom Odlukom uvodi se i obaveza osiguranja biljne i animalne proizvodnje kao i podrške za različite organizacije – udruženja i zadruge sa sjedištem na području općine Ilijaš.

Služba za privredu , finansije i investicije